

Feraméntas pa Mon Pikinóti

Pa kriansas di 2 a 5 anu y ses adultu

Es kit li sta xeiú di feraméntas y ideias ki ta djuda bu fidju dizenvolve y pratika ses abilidadi mutor finu.

Abilidadis mutor finu é kapasidadi di faze pikénus muviméntu ku dédu, mon y pulsu. Es é abilidadis ki meste kontrolu y kordenason, sima skrebe ku lápis, subi fexu di kazaku y uza garfu.

Abilidadis mutor finu é nisisáriu pa vida di dia-dia y pa susésu na skóla. El ta djuda kriansas faze más kuza es sô. Y piskiza dja mostra ma, óra ki kriansas kumesa skóla ku abilidadis mutor finu fórti, es ten más probabilidadi di susésu.

Tudu abilidadi mutor finu ta leba ténu pa prende, y é inportanti kumesa óra ki kriansas sta pikinóti. Bu fidju pode dizenvolve y pratika abilidadis mutor finu através di brinkadera y djudandu na kaza. Bisti bonéka, konstrui ku blóku y faze kumida djuntu ku bo, tudu é atividadi ki ta djuda. Alguns abilidadi mutor finu ta da pa prende midjor si nu uza feraméntas spisial, sima tizora ô pinsel.



Kuzê ki sta na kel Kit

- 10 feraménta pa adultus y kriansas uza djuntu
- Txeu matirial pa uza ku kes feraménta
- Fixas di atividadi pa kada feraménta pa da nhos ideia di kuzê k'ê pa faze



308 Congress Street | Boston, MA 02210 | (617) 426-6500 | BostonChildrensMuseum.org

Finansiadu pa Boston Children's Collaborative for Community Health

© Boston Children's Museum | Duplikason é Ka Pirmitidu

CAP



Dikas Jeral

- Kes atividadi n'es kit li é pa adultus y kriansas faze djuntu. **Feraméntas é ka brinkédu! Ka bu skese di superviziona bu fidju.** Kriansas ta meste prende uza kada feraménta ku siguransa y ku bo na ses ladu.

- **Txeu kriansa ta meste ténpa pa splora** matirial antis di es sprimenta un atividadi. Kumesa ta da-l poku matirial y sinplimenti dexa-l brinka. Talvês kumesa ku alguns palhinha, fiu y papel. Dipos, intruduzi un feraménta ki el konxe (sima kópu) y odja kuzê ki el ta diskubri. Óra ki bu atxa ma el sta prontu, sprimenta algun kuza ki sta na un di kes fixa di atividadi.

- **Konversa ku bu fidju** enkuantu nhos ta splora kes feraménta y matirial djuntu. Fla-l kuzê ki bu rapara. Pidi-l pa el diskreve kuzê ki el sta faze. Kada fixa di atividadi ta inklui alguns ideia di kuzas pa fla.

- **Prende uza feraméntas ta iziji práтика.** Kriansas ta dizenvolve abilidadis ku ténpu y na ses rítimu. Bu fidju pode ka serta na priméru ô na désimu bês. Dimonstra y da-l dikas di móki ki el ta uza kes feraménta. Má dexa-l faze ael.

- **Kriansas ta prende fazendu mésmu kuza ripitidamenti.** Abo bu pode xinti aboresidu pamódi dja bu sabe faze-l. Má, pa el inda é un dizafiu imusionanti. Insentiva-l a kontinua ta tenta.

- Prusésu di uza un feraménta é más impurtanti di ki kel prudutu ki bu fidju kria. **Ilujia bu fidju pamódi el trabadja duru.** Tenta ka kritika un prudutu ki, na odju di un adultu, sta parse feiu - pode ser ki bu fidju ta atxa-l bunitu!

- **Sigi interesis di bu fidju.** Fixa di atividadis ta sujiri maneras di uza kes feraménta n'es kit. Má, ten un monti otus manera di uzá-s. Izénplu, sprimenta brinka ku águ! Intxi un tijéla grandi ku un bokadinho di águ (talvês nhos pode faze-l na rua ô duranti óra di banhu). Da bu fidju kópu, siringa grandi pa injeta tenperu, konta-góta, y otus kuza. Intxi. Baza. Odja kuzê ki ta bai fundu y kuzê ki ta flutua. Tudu kel-li é pratika abilidadis mutor finu. Lenbra ma, pa tudu atividadi ku águ, bu debe superviziona bu fidju y svazia kel águ óra ki nhos tirmina di brinka.

